



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Croesvs Et Codrvs. hoc est, Copiæ Et Inopiæ Damna vel
Lvcra, à bono iustoq[ue] Mundi Gubernatore Deo
Distribvta**

Stengel, Georg

Ingolstadij, 1648

§. 6. Agathonis, Antonij, & aliorum paupertas.

[urn:nbn:de:hbz:466:1-52359](https://nbn-resolving.org/urn:nbn:de:hbz:466:1-52359)

expoliare divites, & ipsum etiam hypocamissum
 (seu vestimentum, quod subtus camisiam
 est) ab eis benevolè auferre, & non peccare: &
 maxime si sunt aliqui inanisericordes & avari.
 Duo enim lucratur talis: unum quidem quia
 animas illorum servat; alterum autem, quoni-
 am & ipse ex hoc mercedē non modicam habet.
 Hucusque Leontius Neapoleos Cyprorum
 Episcopus, veram voluntariæ paupertatis
 effigiem, immò & liberalitatis nobis, in
 tanto Patriarcha, ante oculos ponens, Si-
 quidem, Hieronymo teste, optimus dispensa-
 tor est, qui sibi nihil reservat.

S. Hiero-
 nym. in
 ep. ad Ne-
 potian.

In vit.
 PP. lib. 3.
 cap. 71.

1. Tim. 6.
 8.

§. VI.

Agathonis, Antony, & aliorum paupertatis.
 Hinc, ut Ruffinus ait, cum quidam vir ro-
 garet Abbatem Agathonem, ut pecuniam illius
 susciperet in propria ratione, nolebat ille, di-
 cens: Non est necesse mihi, quia opera manuum
 mearum me pascunt. Cum autem ille persi-
 stens diceret: Vel propter indigentes dignare susci-
 pere; respondit: Duplex verecundia est, quia
 non indigens suscipio, & aliena prestans, vana
 gloria subiacebo. Fuit nimirum Agatho Pau-
 lini exempli successor, cuius est illud moni-
 tum: Habentes alimenta, & quibus regamur,
 his contenti sumus. Fuit & memor illius ora-
 culi:

culi: *Qui tetigerit picem, inquinabitur ab ea.* Eccli. 13. 24

Quod S. Antonius in hunc modum ostendit, in eo, qui pecuniæ quàm non perfectus contemtor esset, retenta parte, declaravit. *Frater quidam renunciãns seculo, & datus, quæ habebat, pauperibus, retinens autem pauca in sua ratione, venit ad Abbatem Antonium. Quod cum agnouisset senex, dixit ei: Si vis monachus fieri, vade in illum vicum, & eme carnes, & impone corpori tuo nudo, & sic veni huc. Et cum sic fecisset frater ille, canes & aves corpus eius lacerabant. Cum pervenisset autem ad senem, interrogavit, si fecisset, quod ei dixerat. Illo autem ostendente corpus suum laceratum, dixit S. Antonius: Qui renunciant seculo, & volunt habere pecunias, ecce ita impugnatî à demonibus discerpuntur. Mira ergo & misera res est, si qui profitetur, se pecuniam abieciisse, pecuniam sectatur religiosus, atque illis rebus inhiat, quas censuit abdicandas. Vnde D. Hieronymus, *Possideant opes, inquit, sub Christo paupere, quas sub locuplete diabolo non habuerant; & suspiret Ecclesia diuites, quos tenuit mundus ante mendicos. Nepotianus noster aurum calcans, schedulas consecratur: & sicut in carne sui contemtor est, & paupertate incedit ornatio, ita totum**

Ruffin.
l. 3. c. 68i

anima inuestigat ornatum. Quare eundem
superiùs sic laudat: *Nepotianus* baltheo posito
habituq; mutato, quidquid castrensis peculij fuit,
in pauperes erogauit. Legerat enim: *Qui uult*
perfectus esse, vendat omnia quae habet, & da-
pauperibus, & sequatur me. Et iterum: Non
potestis duobus dominis seruire, Deo & mam-
mona. Excepta vili tunica, & operimento paruo,
quo recto tantum corpore frigus excluderet, ni-
hil sibi amplius reseruauit.

§. X.

Arsenij, Mæsima, Iuliani, & aliorum Anach-
retarum paupertas.

Heribert.
Rosveid.
in vitis
PP. lib. 5.
n. 5. libell.
6.

Idem ib.
l. 9. c. 41.

Pluribus experimentis testatum est, quan-
tum possit diuinæ amor paupertatis. Egro-
tauit aliquando *Abbas Arsenius* in Scithi, & opus
habuit in necessitate sua usq; ad unam siliquam
nummi. Et cum non inueniret, accepit à quo-
dam velut eleemosynam, & dixit: *Gratias tibi*
ago, Domine, quia me dignum fecisti, nomine
tuo, ad hoc peruenire, ut egens eleemosynam pe-
stularem. Gaudent nimirum Christi imita-
tores ijs rebus se spoliari, quibus alij ditati
exultant. Quin & centonibus magis trium-
phant milites sacri, quàm profani in palu-
damentis. Qua de causa *Mæsimas* neque
tunicam voluit, neque cilicium mutare, sed
ijs